

青浦縣志

卷十七

人物一

卷十八

人物二

卷十九

人物三

地210.31

39

57

青浦縣志卷十七

人物一

列傳

陸康

陸遜

陸抗

陸贄

章棨

衛涇

金獻民

徐階

陸樹聲彥章

陸樹德彥楨

徐石麒

李世祺

陳子龍夏允彝

沈荃宗敬

王原

曹一士

胡寶瓌鼎蓉

王昶

漢陸康字季甯續之孫也遠祖烈為吳令卒葬胥亭子孫遂為吳人華亭之有陸氏自此始曾祖閎篤行有令德建武中為尚書令姿容如玉喜著越布單衣帝升臺見之歎曰南方

青浦縣志

卷十七 人物

列傳

一

固多佳人康少修操行太守李肅察孝廉肅後坐事死康送其喪還潁州行服除高成令罷遣徭役以恩信為治百姓大悅遷武陵桂陽樂安三郡太守所在稱之靈帝欲鑄銅人詔民田畝斂十錢康疏諫不聽檻車徵詣廷尉侍御史劉岱救之免歸後起為廬江太守申明賞罰破賊黃穰等有功獻帝即位天下大亂康間道奉貢加忠義將軍袁術屯壽春兵饑遣使求委輸於康康惡其叛逆絕不與通術怒遣將攻之康因使從孫遜子績將家還吳居於長谷長谷在今縣治西南境術圍康二年廬江城陷康尋卒年七十朝廷憫其守節康子儁為郎中續續自有傳

吳陸遜字伯言本名議祖紆城門校尉父駿九江太守皆有名德為邦族所懷遜少依從祖康廬江年長於康子績數歲



既還吳爲之綱紀門戶年二十一始仕孫權幕府權妻以兄策女數從遜訪世務呂蒙謂權曰陸遜意思深長才堪負重觀其規慮終可大任權乃拜遜偏將軍右部督代蒙屯陸口後克公安南郡拜撫邊將軍封華亭侯是歲建安二十四年也蜀漢章武元年昭烈帝自將伐孫權權請和不許命遜爲大都督拒之戰於夷陵漢軍敗績加輔國將軍領荊州牧帝禪卽位諸葛亮輔政與權連和時事所宜權輒令遜語亮并刻印置遜所權每與漢帝及亮書常過示遜輕重可否有所不安便令改定以印封行之魏大司馬曹休入皖遜再起爲大都督假黃鉞休破振旅過武昌權令左右以已蓋覆遜寵賜無與爲比建興七年權僭稱帝改元黃龍拜遜爲上大將軍右都護是歲權遷都建業留輔太子并掌荊州及豫章三

青浦縣志

卷十七

人物

列傳

二

郡事吳赤烏七年代顧雍爲丞相其兼官如故先是太子登卒權立和爲太子全琮附魯王霸構太子遜上言太子正統宜有磐石之固魯王藩臣當使寵秩有差不聽會太子太傅吾粲坐數與遜交書下獄枉死遜憤恚卒年六十三家無餘財孫休時追謚曰昭侯遜乃心在國疏凡數十上皆關大計陳壽評之曰遜忠誠懇至憂國忘家庶幾社稷之臣遜初封華亭進封婁侯東南名臣遜爲之冠云

陸抗字幼節遜次子也初拜建武校尉赤烏九年遷立節中郎將與諸葛恪換屯柴桑臨去繕完城圍葺其墻屋居廬桑果如其始至魏將諸葛誕舉壽春降抗赴之遷征北將軍孫皓卽位加鎮軍大將軍都督信陵西陵夷道樂鄉公安諸軍事治樂鄉時都下政令多闕閹宦弄權抗先後疏陳時宜極

諫鳳凰元年西陵督步圍叛降晉晉車騎將軍羊祜率師向江陵初江陵平衍抗勅江陵督張咸作大堰遏水以絕寇叛祜欲因所遏水浮船運糧揚聲將破堰以通步軍抗聞使咸亟破之而自率三軍趨西陵祜至當陽聞堰敗乃改船以車運大費損功力抗至西陵祜將揚聲來攻敗之祜引去遂拔西陵誅闡以功加拜都護貌無矜色謙冲如常抗在鎮常戒其邊戍各保分界於是吳晉之間餘糧栖畝而不犯牛馬逸入境可宣告而取抗與祜宛然有僑札之好二年就拜大司馬荊州牧明年疾病遺疏言西陵建平國之蕃表乞增兵馬實疆場言辭痛切抗既卒天紀四年晉軍伐吳龍驤將軍王濬順流東下所至輒克終如抗慮抗五子晏景見後忠義傳機雲見文苑傳

唐陸贄字敬輿瑁之後也父侃溧陽令大曆二年贄年十八登進士第再中博學宏辭科補尉德宗立遣黜陟使行天下贄請以五術省風俗八計聽吏治三科登俊又四賦經財實六德保疲瘵五要簡官事時皆韙其言帝狩奉天贄以翰林學士從機務闋總遠近調發書詔日數百旁吏承寫不給他學士皆閣筆贄應之沛然有餘贄孤立一意遇事極言得失無所回諱帝還京天下屬以爲相而以直諫陰失帝意久之不拜貞元七年罷學士以兵部侍郎知貢舉得韓愈歐陽詹諸人皆天下孤雋傑士時謂之龍虎榜明年竇參罷黜乃以中書侍郎同中書門下平章事贄既入相忠懇奮發知無不言頃之帝用裴延齡判度支贄疏其姦佞力爭之帝不悅罷贄太子賓客再貶忠州別駕順宗立召之未至而卒年五十

二贈兵部尙書謚曰宣始贊入翰林年尙少以材親任在奉天朝夕居中參裁時號內相嘗爲帝言今盜滿天下陛下宜痛自咎不吝改過收人心帝從之興元詔下武人悍卒皆爲感動流涕有識於是知賊不足平贊蓋有力焉贊嘗曰吾上不負天子下不負所學惟贊能力踐其言奏議凡若干篇後世奉爲金鑑 國朝道光六年從祀孔子廟庭

按宣公居華亭錢起詩可

據青浦西南境分自華亭邑中相傳有宣公墓在南門見諸聯明齋小識因接屠隆祀機雲之例列之又案姚宏緒松風餘韻云華亭之設割嘉興東境隸焉自天寶十載至大曆二年爲時未久宣公或仍祖父舊貫亦未可定

宋章棻字質夫建安人也少以叔父得象蔭補官應舉入京試禮部第一元豐時監華亭鹽樂青龍風土遂家焉邑之有章氏自棻始元祐初棻知慶州時朝廷方捐葭蘆四砦予夏夏得砦益驕棻言夏嗜利畏威不有徽艾邊不得休息宜稍

青浦縣志

卷十七

人物

列傳

四

取其疆土如古削地之制固吾圉然後以兵蹙之乃可七年三月夏集兵韋州窺環慶棻遣驍將折可適統涇原兵八千一日夜馳至韋州設伏敗之其年十月乾順母梁氏自將寇環州棻預毒牛圈豬水夏人馬飲者多死伏兵洪德邀其歸路士卒識梁氏旗幟爭鼓譟出大敗之未幾內召紹聖二年知渭州合兵夫七十萬具版築築城於石門峽好水川之陰以逼夏夏人來爭不得旣成賜名平夏城旣而環慶鄜延河東熙河相繼進築夏人凶憤乃合四十萬眾攻平夏棻遣輕騎夜襲之擒其統軍鬼名阿埋夏人大震棻在涇原四年凡築一城九砦薦拔偏裨降人皆得其用夏自平夏之敗不復能軍遂請命乞和棻立邊功爲四方最累拜同知樞密院事致仕卒謚莊敏初棻官華亭濬青龍江民賴其水利又築思

堂蘇軾爲之記今縣治北松澤里有章廟奉燊香火久遠

陳繼儒云松江青龍鎮有章氏自莊敏始至元中夢賢以孝友薦

舉正其裔孫宋時科第甚盛書院記及青龍雜誌可據未可

以寓公列也前志案列名宦今本陳府志改

衛涇字清叔其先齊人唐末避亂居秀州之華亭涇少立志

操從永嘉李去智學李卒制服執喪淳熙十一年以崑山籍

登進士第一授承事郎特與添差涇以對策陳添差之弊三

上表乞待次上以涇能踐言知重始進許之故事狀元初任

滿必通謝宰執時王淮秉政涇不謝十四年除秘書省正字

輪對言振綱維作氣節凡數千言紹熙二年正月震電雨雪

涇上封事言雷陽也雪陰也陽方升而陰制之以象類求爲

君欺於臣夫陵於妻小人害君子有一於此皆足致亂不可

不預防其漸時佞倖用事李后悍妒故涇以爲言慶元三年

青浦縣志

卷十七

人物

列傳

五

以起居舍人假工部尙書使金初涇之往甯宗實使覘國有

乘釁之意還奏一敵滅一敵生願無以金之危亡爲喜欲以

戒之未幾韓侂胄用事正人屏斥涇優閒十年於里中關西

園名其堂曰後樂後侂胄伏誅涇有力焉累官資政殿學士

卒謚文節涇出入內外四十餘年始終持一節薦進人才汲

汲如不及與朱熹交善侂胄之誅奏召熹還朝而熹卒因檄

取諸經四書傳註刻之又爲張栻請謚人稱涇能崇正學

金獻民字舜舉邑海隅鄉五十保人父爵成化五年進士官

至副使其先有戌籍在蜀獻民遂以綿州籍登成化二十年

進士除行人宏治初授御史巡按雲南順天並著風裁劉瑾

亂政追坐獻民前勘地讞獄不實斥爲民罰米瑾誅起用世

宗卽位召爲左都御史劾奏奸黨王欽王銓不宜貸死不聽

尋由刑部尙書晉兵部會有星變獻民請勅天下鎮巡官豫戰守之備且請用賢納諫罷土木屏玩好帝頗採納獻民伉直有執持章上帝或不能從卒無所徇先後論奏太監邱福等弟姪養子不宜蔭官濫竊名器聞者躉之尋引疾歸未幾錦衣千戶王邦奇訐前尙書彭澤辭連獻民奪職閒住初大禮議起獻民偕廷臣力諫帝不悅由是得罪隆慶初贈太子少保謚端簡二子皋皞皆正德時進士出仕

徐階字子升世居小蒸父黼宣平縣丞階生五歲從父道括蒼墮嶺衣絀於樹得不死嘉靖二年進士第三人在翰林與張孚敬議禮不合斥外皇太子出閣召之帝察階勤累予遷擢年未滿五十已爲大學士參與機務密白咸甯侯仇鸞罪狀奪其大將軍印時嚴嵩當國欲因鸞以傾階及聞鸞罪發

青浦縣志

卷十七

人物

列傳

六

自階中夜扶牀行咄咄曰吾年長於階而智何少也由是心忌階而帝自鸞誅益重階數與階謀邊事寵任亞於嵩頃之兵部員外郎楊繼盛劾嵩帝下繼盛錦衣獄疏中詞連二王將加根究階以危語動嵩事得寢繼盛既死言者未已帝漸厭嵩會御史鄒應龍劾嵩及嵩子世蕃貪恣狀帝遂勒嵩致仕下世蕃於獄抵罪初階患嵩專久之不得發乃陽事嵩欲使嵩不疑而言者劾嵩嵩輒意階主使階頗危至是劾嵩當罪實階主之卒以敗嵩人於是服階深人能以忍濟也嵩敗階代嵩爲首輔先是南北用兵邊鎮大臣小不當帝指輒逮下獄階當國以寬大廣帝意緹騎省減詔獄漸虛嘗榜三語於直廬曰以威福還主上以政務還諸司以用舍刑賞還公論一時翕然推階爲名相帝餌丹藥病燥戶部主事海瑞上

疏極諫帝怒欲殺之階力救減死未幾帝崩階草遺詔齋醮
土木織作悉罷前議大禮言事得罪諸臣一切赦復之詔下
朝野感動號哭階智畧過人應變無窮在政府能持大體事
具詳明史階告歸後爲高拱所齷盡奪其田二子璠琨遣戍
拱黜事乃解萬曆二年階年八十一卒贈太師謚曰文貞階
籍華亭別業在鳳凰山金澤西余並有階故迹云

陸樹聲字與吉初冒林姓居林家角世力田樹聲少自振拔
好讀書嘉靖二十年中進士第一授編修嚴嵩稱壽觴同館
皆更緋衣樹聲獨衣青嵩目憚之不爲動也再告再起皆南
爲南祭酒著條教十二訓勵諸生神宗嗣位卽家強起之拜
禮部尙書初樹聲屢辭朝命中外高其風節遇要缺必首舉
樹聲張居正當國以得樹聲爲重先具禮詣之樹聲對之穆

青浦縣志

卷十七

人物

列傳

七

然居正失望去歲終陳四方災異請帝循舊章省奏牘慎賞
賚防壅蔽納讜言崇儉德攬魁柄別忠邪詔皆嘉納萬曆改
元連疏乞休居正語樹聲弟樹德曰朝廷行相平泉矣平泉
樹聲別號也樹聲以上虛拘之請愈力乃命乘傳歸辭朝陳
時政十事中言用內侍以給掃除而倒持旁落之漸不可不
防優外戚以示眷異而非分無厭之求不可不節語皆切中
時弊樹聲身長八尺端重有威儀穆宗登極趣起未赴趙貞
吉遺以書云不敢以機務相煩第欲令主上一見幸采知先
朝培養得如此偉人耳其爲時推重如此家居篤內行事兄
某老而彌謹嘗與客言少貧賤兄命糞治塲圃不如法怒杖
之今屋旁地猶是也欲受兄教如少年其可得耶年九十七
卒贈太子太保謚文定子彥章萬曆十七年進士端介有父

風官至南京刑部侍郎先是彥章以行人告終養詔給月俸異數也互見藝術傳

陸樹德字與成樹聲弟也少與兄同學中嘉靖四十四年進士除嚴州推官奉部使者檄巡郡按論武弁某不法事卻金著節行取授刑部主事屢遷都給事中在穆宗朝章凡數十上穆宗御朝不與羣臣接語樹德言易上下交為泰今睽隔若此何以劇君德酬萬幾皇太子出閣疏言睿學三事以講讀責之疑丞以起居嚴之內侍以儀刑本之身教隆慶六年四月詔輟東宮講讀樹德言自四月至八月為時甚長請非盛暑仍出御講筵會歲大旱日食請帝修省未幾帝不豫又疏亢陽之月宜益慎起居藥餌毋滋壯熱毋伐晏陰毋撓甯靜內臣請祈福戒壇樹德上言陛下欲保聖躬宜法大禹之

青浦縣志

卷十七

人物

列傳

八

惡旨酒成湯之不邇聲色何必奉佛疏皆畱中不報神宗既立中官馮保橫甚樹德疏發其奸保大恨大禮議起樹德請毋祧宣宗仍祀睿宗世室既又極陳民運白糧之弊一時言官侃直無出樹德之右保陰扼之畱滯南都七年萬曆十年以太僕卿改北是冬擢右僉都御史巡撫山東德王張具大明湖肅樹德為客謝不往曰撫臣與藩王杯酒流連兩損威重非所以令眾庶見也在官約束僚吏屏絕聲伎清嚴著稱乞歸先樹聲數年卒子彥禎萬曆二十三年進士官南吏部考功司主事有才識孫景朋曾孫慶紹皆舉人

徐石麒字寶摩本嘉興人以青浦籍成天啟二年進士授工部營繕司主事筦節慎庫中有人有所調發石麒輒格之以令甲魏忠賢銜之會御史黃尊素下詔獄石麒營救忠賢怒誣

以贓削籍崇禎三年起官南京其在吏部佐尙書鄭三俊主南計澄汰公允署應天府尹革除僉報馬戶之弊十一年春入賀元旦三俊方爲刑部尙書以輕比失上意下獄石麒疏救上卽釋之石麒起廢籍至是始入爲左通政累遷刑部侍郎轉左尋擢本部尙書時治尙苛細石麒因糾附會律文之謬者數十事多所平反然亦未嘗專主姑息一時大案皆經其論定最後爭姜垞熊開元之獄落職閒住福王監國起右都御史改吏部尙書時馬阮亂政石麒輒以祖宗之法裁之未幾爲士英所扼遂引疾去明年南都不守六月浙湖義師起石麒與參謀議及嘉興城將破石麒在城外至城下呼曰吾大臣不可野死當與城存亡城上人譁曰吾公來矣開門納之越宿而城陷石麒朝服自縊死時戢山劉宗周在越城

青浦縣志 卷十七 人物

列傳

九

餓經七日曰此降城非吾死所乃出城外而死海內爲作降城歎我公來樂府以美之先是石麒未死或勸之避地不可曰吾東向馬阮將謂我壅立潞王西向謂我與臥子將興晉陽之甲惟有死此一塊土耳臥子陳忠裕子龍之字也石麒博聞強識尤熟於朝章國紀性樂易好汲引人才 國朝乾隆四十一年 賜謚忠懿

按石麒卜居邑之奈山見於其詩

續修志 列之

李世祺字壽生天啟二年進士崇禎三年擢刑科給事中陳大計之當定者二曰兵食之計民生之計大弊之當釐者三曰六曹之弊在吏胥邊吏之弊在欺隱貪墨之弊在奢靡夏旱帝禱雨未應疏列恤畿甸緩催科預儲備三說帝並納之帝遣中官監視諸鎮世祺上言內臣入奉天顏出司兵食既

得陰伺內廷意旨又得顯操外廷事權害何可言自魏忠賢盜弄神器要地盡置私人奈何躬自翦之復自蹈之不納時進言者多獲譴帝方日親細務任察爲明世祺言江海爲百谷王以其善下今言官輒蒙詰責詰責未已貶黜隨之恐開臣工瞻顧之漸且天子一日萬幾神太用則疲精太用則竭聖人使公孤百職環列任事但責其成不侵其事課其效不紊其權奚必效後世察察之治帝不能用八月淫雨損山陵昌平地動又上疏極論時敝大畧謂中樞決策掩耳盜鈴主計持籌醫創剜肉州縣迫於功令報最不前曹部窘於簿書救過不暇因一人可議疑及眾人則嫖母西施同在暗室因一事可訾連及他事將伯夷盜跖俱成竊鈇黃衣之使四出軍容之坐上踞精神皆爲容悅固寵之用中外遂無緩急可

倚之才因請帝采公論酌事情釋疑忌之根開功名之路庶天變可回時艱可濟帝以世祺借端瀆奏切責之七年疏劾大學士溫體仁吳宗達及兵部尚書張鳳翼溺職狀帝怒貶福建按察使檢校且追罪文選郎吳鳴虞考選非人亦貶三秩御史龔廷獻論救不聽久之起行人司副十五年遷太僕寺卿國變後削髮爲僧坐臥一小樓足不履地數年卒世祺居邑東門道光時邑人士卽世祺舊居東皋草堂爲祠祀之陳子龍字臥子居廣富林父所聞自有傳子龍生有異才詩古文辭卓絕流輩嘗與夏允彝徐孚遠等結幾社海內宗之崇禎十年第進士謁選得惠州推官未赴丁憂服闋改紹興時流寇日急子龍練軍足食慨然有濟世之志十六年冬南都糧餉告急各郡無應者子龍獨以米七萬石至是歲東陽

許都作亂子龍奉檄勦撫事平以功擢兵科給事中命下京師失守乃事福王於南京首陳防口之策莫過舟師請專委兵部主事何剛訓練從之又抗言自古中興之主莫不身先士卒故能光復舊物今人情泄沓無異昇平清歌漏舟之中痛飲焚屋之內不知終極可爲寒心因條上經畧荆襄布置兩淮之策歷陳先朝致亂之由在於上下相猜朋黨互角當引爲鑒誠又請召還故尙書鄭三俊御史易應昌疏薦舉人祝淵太學生涂仲吉可任言官最後抗論詔選宮女非法子龍在言路五十日章三十餘上皆當時至計而時宰齟齬之遂以去位子龍去而國事益不可爲弘光元年五月南都不守各郡義兵並起子龍偕允彝陰爲之主辦 大兵下松江允彝殉節子龍以大母年九十不忍割遁爲僧尋受閩浙二

青浦縣志

卷十七

人物

列傳

七

王之命結太湖兵謀起事丁亥以吳勝兆獄辭牽連被獲操江都御史陳錦見其髮髻髻然詰之子龍抗聲曰畱此髮以見先皇帝地下遂乘間投水死時五月十三日也年四十門人王澐僕吳西求其尸聞鴉聲得之毛竹港遂葬之廣富林先墓允彝字彝仲華亭人與子龍同登進士授長樂知縣舉天下賢能第一福王時擢吏部考功司主事先子龍自殉子龍葬之嘗爲報書數千言焚於其墓言已所以未死之故期於不負初志以見死友子龍允彝皆負天下重名忠孝激發洞曉世務人稱陳夏乾隆四十一年 賜子龍謚曰忠裕與允彝合祠吳西者子龍輿人久從役不去子龍殉節後時時見夢於西西故嘗學寫真因私祝曰公誠欲西圖像耶是西素志也殫思竟日曰得之矣操筆圖之絕肖今像石刻尙存

云

國朝沈荃字貞蕤一字繹堂居沈巷幼孤事母至孝順治九年第三人進士授編修出為大梁道以憂去服闋補通薊道聖誤左遷甯波同知未行 特旨召見復四品冠服仍入翰

林累官禮部右侍郎兼詹事康熙二十三年卒官 賜祭葬

予謚文恪著充齋集充齋者荃巡大梁時謁夏峯孫奇逢夏峯為講充實之義有省遂以自號焉荃學行醇潔書法最

有名 聖祖嘗召入內殿 賜坐論古今書法凡 御製

碑版及殿廷屏障輒 命荃書之其屏風箴一篇得人臣規

獻之體箴曰 天子當展設黼攸崇高張軒席廣樹堯宮義

取閑邪匪曰塞聰爰在後世因號屏風奢則琉璃侈惟雲母

珠絲龜甲五采錯組豈若漢廷列女作譜唐宗操翰網羅今

青浦縣志 卷十七 人物

列傳

七

古我 皇睿哲置此坐隅立必直方處若盤盂不施雕刻亦

謝丹塗素齊魏製麗滅晉模穆穆皇皇緝熙止敬履信居仁

形端表正列疏題名親賢樂諍不偏不陂永載甯靜後荃子

宗敬以編修入直 上命作大小行楷使內侍傳 諭李

光地曰朕初學書宗敬之父荃實侍屢指陳得失至今每作

書未嘗不思荃之勤其沃荷 聖眷若此荃立朝有丰采好

獎進士類先是官大梁善於治盜劇盜董天祿等悉就擒禹

鄭十二州縣苦河夫柳束及軍需供億過繁民困甚荃為申

請得減三之一學宮圯出俸新之復修河南通志既成上之

詔天下郡縣修志一以河南為法在詹事時疏言青宮在

於豫養因以明臣霍韜聖功十三圖進未幾復疏列出閣四

事皆報聞故事詹事得與會議荃於民生利弊時政得失剴

切詳言畧無瞻徇康熙十八年旱 詔求直言時新例罪當
流者皆徙烏喇極北公謂烏喇距蒙古三四千里地不毛極
寒牛羊橐駝凍輒倒斃罪不應死者不應驅之死地乃獨爲
疏上之有 詔令畫一荃持前議益堅且曰此議行三日不
兩者臣願伏欺罔罪 聖祖改容納之越二日大雨盈尺

例竟罷宗敬入婁籍仕至大常寺少卿亦以書畫名於時
王原字令詒一字學庵晚號西亭居啟聖里後遷來蘇門附
郭父夢求歲貢生詩文見稱於陳子龍原登康熙二十七年
進士未及用從刑部尙書徐乾學修一統志於包山三十三
年選廣東茂名縣知縣茂名徵糧責之里長里長歷派於民
戶一石至銀二三十兩民棄田逃原令編造業戶實名里長
之弊遂革初逃戶棄田遺糧攤諸鄰戶歸則并數年之所攤

青浦縣志

卷十七

人物

列傳

三

責之以是逃者卒不敢復原代爲捐輸不許派累而逃戶之
歸者日集邑有人市賣鬻妻子以爲常下令有犯者繩以法
人市始除邑故夷徼地荒俗敝原又爲禁巫覡鋤強梁雪冤
滯頒婚葬之式設義學教之頌聲大作移署信化以新興解
犯脫逃牽連解任再起補貴州銅仁縣縣荒且僻視茂名益
甚原至建學以訓子弟教民治葛以爲布焙茶榨油以爲用
谿水湍急教之造舟以興販設保正保副訓練鄉勇備苗苗
寨皆爲設長貳約束之羣苗貼然銅仁大治四十一年行取
授工科給事中條陳苗疆事宜一日嚴通苗之禁例一日定
土司之處分一日飭汛弁之鵬勦又疏請裁衛所改隸州縣
皆目擊時弊言鑿鑿平陽府知府馬思贊請以天下錢糧加
一火耗作爲正供原力陳其不可議遂寢繼劾吏部文選司

郎中陳汝弼婪縱不法事得實尋牽連降級以歸原少力學受業陸清獻隴其湯文正斌之門精研理道一以濂洛爲宗年八十四卒著書甚多詳具藝文

曹一士字諤廷本上海人年十五補青浦諸生有名雍正四年舉順天鄉試八年成進士由編修擢山東道監察御史轉工科給事中卒官一士在諫垣伉直敢言所陳奏多見施行如言各省開墾有名無實十年之後將爲民患請加覆勘詩文筆札偶涉疑似不可比附妖言之律一切告訐宜禁又言牧民之吏賢能不可偏廢今督撫薦舉往往舍賢尙能故明作有功之意多惰大成裕之意少損下益上之事多損上益下之事少治體所關急宜調劑又言臺省異地故科道分曹科臣職掌惟司封駁專責以言不任他事自雍正元年屬之

青浦縣志

卷十七

人物

列傳

齒

都察院其後城倉漕鹽諸差與御史一體開列奔走不皇坐荒本職宜考正六科之制使臺自爲臺省自爲省以遷其舊再會典載內閣交出密本由各科挂號然後發部今各科祇有紅本而密本不得見至諭旨徑由內閣發部者遲至浹旬始得從邸抄一讀即欲有所論列事已無及嗣後請聽科臣派出筆帖式二員每日赴閣謹抄諭旨并所發密本庶得隨時論列仰贊高深先後章十餘上皆切於時務此其尤要者一士學有根柢至四書義理研悅至深在臺時疏請釐定四書朱子本義又嘗上書大學士朱軾條析駁呂一書疑似皆有功於學術娶陸氏居邑之神山故常往來神山卒遂葬之兼精制義今邑中言制義猶推一士爲雄

胡寶琮字泰舒世籍徽州父廷對官婁縣教諭遂家焉寶琮

生時父感異夢及生日光非常舉雍正元年鄉薦考授內閣中書入直軍機寶瓌爲人有膽識通治世務大臣鄂爾泰深倚重之時有旨度地塞外大學士查郎阿奏請以寶瓌同往經土默特噶爾沁部落登醫巫間渡松花黑龍江轉至甯古塔行二萬二千餘里盡得其險要阨塞乃還乾隆七年詔求骨鯁質樸之士如古馬周陽城者內閣以寶瓌名應御試第一授福建道監察御史直隸江南饑初開捐納事例內止小京官外止丞倅佐雜九年冬戶部侍郎李元亮請自郎中道府游擊都司並聽納用寶瓌言捐例本權宜之計不可復加且其所入不能補蠲賑之一二而徒輕名器傷政體不便轉給事中擢順天府丞十三年金川用兵大學士傅恆奉使經畧 赦寶瓌從行贊畫凱旋 天子親斟金卮賜寶

青浦縣志

卷十七

人物

列傳

五

瓌酒海內榮之累遷左副都御史偃師奸民傅毓俊誣告張姓謀逆詞連百餘人寶瓌奉命乘傳往讞一訊而伏中州人以爲神明十七年以兵部右侍郎出撫山西尋調湖南自湖南而江西而河南再撫江西復調河南凡四省六任所至理冤獄飭戎行卹飢民黜墨吏興利除弊力行教養之政最大者在河南濟河梁六十七道亘二千五百七十餘里會濰泚淮諸水達於洪澤涸出民田數萬頃歲以有秋再撫河南定閩鄉馬現龍之變堵塞楊橋決口大工底定全活災民無算二十八年卒官年七十 贈太子太保兵部尙書 予祭葬謚恪靖並 允遺疏所請入籍青浦寶瓌敷歷中外爲乾隆初名臣性清約旣貴門閭翳如不改於其舊最善騎能日行三四百里云子鼎蓉字兆鏡以蔭 欽賜舉人由知縣歷任

穎州府知府署吉南穎道居官廉恕所至無赫赫稱既去而民思之著有松溪詩文集

王昶字德甫號述庵又號蘭泉高祖懋忠名在幾社父士毅純德長者士毅年四十五無子禱於西湖徵蘭而生昶昶少隸異博學善屬文家貧作固窮賦以見志乾隆十九年第進士歸選班二十二年南巡召試第一賜內閣中書入直軍機處歷擢刑部郎中三十三年兩淮鹽使提引事發坐言語不密免時緬甸未靖故大學士阿桂總督雲貴奏請以昶從未幾尚書溫福代阿桂為總督畱昶軍營如故三十七年小金川土司僧格桑作亂溫福奉命移師征之仍奏以昶從阿桂再起昶又參阿桂軍事昶在軍中前後九年奏檄多出其手以功復職四十一年金川平擢鴻臚寺卿賞戴花翎

青浦縣志

卷十七

人物

列傳

去

仍依前軍機行走時漢人起家科甲賜花翎者惟于敏中及昶 召見詢軍營事條對甚悉 上喜命纂平定金川方略即以昶充纂修官 上復問曰往者溫福軍潰南路何以獲全軍昶以副將劉倬劉輝祖及奎林力戰對當是時奎林方失 上意而昶對質直不詭隨如此轉大理寺卿擢都察院右副都御史出為江西按察使時江西多盜下令嚴保甲禁惰游不一月而盜滅又嚴族祠鬪訟之禁清積案百餘件多所振起丁母喪歸服闋起為陝西按察使與平回民田五之亂以功遷雲南布政使調江西入為刑部右侍郎執法稱平屢奉 命讞獄江南湖北務在潔已奉公杜絕賄賂初昶為正卿以老乞休 上知其才輒不許五十七年主順天鄉試時和珅當國同考某以其子姓卷薦昶黜之和珅奏請覆試

欲以危法中昶而是科所取聶亮采等二百三十二人多知名士故不能難然終銜之明年昶年七十至是請益力上鑒其誠許之諭以歲莫寒可俟春融歸既歸因名所居曰春融堂嘉慶元年禪受禮成入京與千叟宴四年高宗皇帝崩昶奔赴上垂問吏治民情命繕寫密封以進昶退而具奏其語世莫得聞昶既罷官所餘俸率以修宗祠置義莊家無餘蓄既而分賠雲南銅鹽虧空乃盡舉田宅入官訖不足償雲南銅政繁芳爲厰大小四十有八歲須京銅九省採買銅及本省鑄錢局銅無慮數百萬斤開採既久硯老鑛雜陶冶費力又以運道數改運價日貴司事日憂不繼而莫能得其顛末先是昶嘗發故籍鉤摘稽考成銅政全書五十卷持之詳且慎矣而猶以銅故賠累當事知其貧爲奏

青浦縣志

卷十七

人物

列傳

七

請得展限完繳事乃已昶於學無所不究名滿天下而不立門戶性樂宏獎士多依以成名當奔赴鼎湖歸適蘇州有撻辱諸生之案昶遺書學使者侃侃責之又嘗病士習骯髒氣節不立寓書侍郎秦瀛索東林志欲刻之以爲多士勸論者謂風概不愧爲幾社後人云卒年八十三著書多行於世無子以從弟曦之子肇和爲嗣肇和生紹基皆自有傳

